



Smatraju da nisu poduzete sve potrebne radnje

SIPA traži da Tužilaštvo BiH ponovo vodi slučaj 'Tešanj'

Nema razloga da predmet bude ustupljen nižem nivou, tvrde iz SIPA-e

Državna agencija za istrage i zaštitu (SIPA) zaprimila je obavijest Tužilaštva BiH od 14. januara 2014. godine o neprovođenju i ustupanju istrage u predmetu kodnog naziva „Tešanj“ Tužilaštvu Zeničko-dobojskog kantona. Kao osnov za neprovođenje daljnje istrage u ovom predmetu, Tužilaštvo BiH iznijelo je stav da nisu utvrđeni potrebni osnovi sumnje da je počinjeno krivično djelo iz nadležnosti Suda BiH, tvrde iz SIPA-e.

No, u ovoj agenciji smatraju da u ovoj fazi istrage ne postoji nijedan realan osnov po kojem je Tužilaštvo BiH moglo i trebalo odustati od daljnje istrage u ovom predmetu i ustupiti ga nižem nivou procesuiranja, te su



Pronađeno oružje u Tešnju: Sve prebačeno na Tužilaštvo ZDK

Tužilaštvu BiH u zakonskom roku uputili prigovor na odluku.

U SIPA-i smatraju da Tužilaštvo BiH nije poduzelo sve potrebne procesne radnje kada je u pitanju složeni predmet u kojem se

pojavljuje organizirana kriminalna grupa, a koje su predložene u izvještaju o počinjenom krivičnom djelu i izvršiocima koji je SIPA dostavila Tužilaštvu BiH 2. decembra 2013.

- Od Tužilaštva BiH

očekuje se da u skladu s pozitivnim zakonskim odredbama i do sada utvrđenom praksom kada su u pitanju ovakvi i slični predmeti, a koji svojim obimom i složenosti te utjecajem na javno mnijenje u svakom pogledu prevazilaze mogućnost i spremnost nižeg pravosudnog nivoa, poništi donesenu odluku postupajućeg tužitelja i naloži njegovo daljnje postupanje u provođenju istrage u ovom predmetu - rečeno nam je jučer u SIPA-i.

Oni navode da se Tužilaštvo BiH svojim naredbama za vještačenje i deponiranje uzoraka pronađenih projektila upustilo u prvu fazu rada na ovom predmetu.

M. Aš.